

OPDRAG: Bestudeer die advertensie hieronder en beantwoord dan die vrae:



**ONTMOET 'N PAAR VAN ONSE GROOT DROMERS**

*"Wanneer ek groot word, wil ek 'n onderwyser wees, sodat ek kinders kan help om hul potensiaal te beryk/bereik/beruik."*

Thaakirah Baradien, Habibia Primêre Skool, Shoprite Gatesville, Wes-Kaap.

By Shoprite is ons altyd toegewyd om terug te gee aan die gemeenskappe wat ons ondersteun. Met die Shoprite "Klas van" inisiatief het ons reeds meer as R3.5 miljoen in skoolfooi betaal oor die laaste nege jaar. Hierdie jaar doen ons dit steeds, met meer as 420 Shoprite winkels wat, deur die

Klas van 2016, 'n kind se skoolfooi vir 'n jaar geborg het. Dié jaar se wenners wil bydra tot 'n beter Suid-Afrika, deur onderwysers, dokters, verpleegsters en professionele atlete te word. Word deel van die gesprek op Facebook en Twitter om uit te vind hoe jy betrokke kan raak by #ActForChange.

Bron: *Die Huisgenoot*, 28 April 2016

1. In die advertensie is daar verskeie woorde waarvoor jy homonieme ken. Maak sinne met die homonieme van die volgende 4 woorde (om jou te help is hulle in die teks onderstreep) (5)
- 1.1 wees (in die praatborrel)
  - 1.2 kan (in die praatborrel)
  - 1.3 by (in die paragraaf)
  - 1.4 meer (in die paragraaf)
  - 1.5 deur (in die praatborrel)
1. Die dogter op die foto is duidelik nog in die laerskool. Watter woord sou sy eerder in die plek van **onderwyser** gebruik? (1)
2. Met watter woord sou jy **kinders** binne die konteks van haar sin kon vervang? (1)
3. Sê in jou eie woorde hoe help 'n mens iemand om sy potensiaal te bereik. (1)
4. Kies die woord in die dogter se praatborrel wat die beste in haar sin sal pas. (1)
5. Wat noem ons sulke woorde wat dieselfde klink, maar heeltemal verskillend gespel word en ook heeltemal verskillende betekenis het? (1)
6. Die laaste nege jaar (in die paragraaf) klink effens anglisisties. Verbeter die sin deur 'n beter woord vir **laaste** voor te stel. (1)
7. Skryf antonieme neer vir die onderstreepte woorde in die sinne uit die teks:
- 8.1 Ons het reeds meer as R 3,5 miljoen in skoolfooie betaal. (1)
  - 8.2 Die wenners wil bydra tot 'n beter Suid-Afrika. (1)
8. Gebruik 'n agtervoegsel om 'n antoniem vir betrokke te vorm (1)
9. Met watter woord sou jy betrokke in die laaste sin van die teks kon vervang? (1)
10. Soek woorde in die paragraaf met die volgende betekenis:
- 11.1 om jou heeltemal oor te gee aan iemand of iets se belange. (1)
  - 11.2 om iets aan die gang te sit. (1)
  - 11.3. om namens jou die koste te betaal. (1)
11. Verduidelik hoe die opskrif letterlik (denotatief) of figuurlik (konnotatief) verstaan kan word. (2)

**[20]**

---